

SARS e ntse e buisana le indasteri ho thibela kgaello ya mafura

Tshwane, 15 Mphalane 2024 — Ho latela bophatlalatsi ba ditaba bo entsweng ke Ditshebeletso tsa Lekgetho tsa Afrika Borwa (SARS) maobane ka la 14 Mphalane 2024, bo mabapi le dipuisano le indasteri ka sepheo sa ho qoba kgaello ya mafura maemafofaneng ohle, SARS e lakatsa ho tsebisa tsena tse latelang:

Ka mora ho ela tsena tsohle hloko, Khomishenara ya SARS e fane ka tumello e ikgethang ya hore ho tliswe mafura a kerosene ka hara naha ho tloha ka la 21 Mphalane 2024 ho fihlela ka la 20 Mphalane 2025. Ho fanwe ka tumello ena e ikgethang ho dumella mekga ho shebana le botshopodi bo teng ha ho tluwa metjheng ya ho hlakola boingodiso ba dipolokelo tsa bohlahisi le ho ngodiswa hape ha dibaka tse amehileng tsa polokelo.

Khomishenara o kopa mekga yohle ho phethela mosebetsi o salletseng morao ka potlako le ho netefatsa hore ho ikobelwa ditlhoko tsohle tsa boikobelo le hore pehelo ya jwale ya phumantsho ya laesense, e mabapi le ho tlišwa ha mafura a kerosene le tse amanang le ona ka hara naha, e lokela ho tiiswa ebang ho hlokeha.

Molefalekgetho e mong le e mong ya angwang ke sena ho tla buisanwa le yena ka ho qolleha, ho bapa le boemo ba bona ba ka nako eo. SARS e tshepa hore tsebiso ena e tla tlisa nnetefaletso indastering, eo le yona e tlang ho tswela ikonomi ya naha molemo le ho kgonthsa bohle ho eta ntle le tshitiso.

Ho fumana lesedi le fetang lena, ka kopo ikopanye le SARSMedia ho SARSMedia@sars.gov.za